

993. Veröffentlichung

Su schwätze mir

Schängelchens Problem



■ Von Katharina Schaaf

Su en kleine Altstadt-Schängel
grad em ierschte Schullejohr,
es zwar keine brawe Engel –
awer recht gewitzt on klor.

Drom setzt inn dä Klasselehrer
vure en die ierschte Räih.
Do hat ä dä „Hefteschmerer“
stets em Au' su newebäi.

Sich off Huhdeutsch omzostelle
es däm Kersche säin Problem.
Moddersprochlich sich zo melle,
fend' ä praktisch on bequem.

„Plattdeutsch bringt dich niemals weiter“
säht dä Lehrer oft em „Brass“.
Später were ich geschäiter
reeft dä Klein' – dann habder Spass.

Dat han ich von mäinem Babba,
dä och keine „Dabbes“ es.
Däm säin Mondartschniss gieht dabber
jetzt läit imm die Welt zo Feeß!

„Kulturgot pfläje“ Bildungsmängel?
Nää, wer dat meint hat en „Stich“.
Vurrbild sen dräi beriehmte Schängel:
Dä „Gniffke“, „Görres“, „Metternich“!

14. 1. 2006

Katharina Schaaf